

**PARTORDING NI ACARA
PERAYAAN ADVENT
HKBP BERINGIN INDAH**



SABTU, 09 DESEMBER 2023

I. PROSESI :

- *Parhobas bongot tu bagas gareja jala Song Leader dohot musik patubegehon BE No.591*
- *Ruas jongjong manomunomu barisan prosesi*

II. JOUJOU TU ACARA IBADAH:

U: Patuginjang ma tohangmuna, hamu ale angka harbangan, patuginjang ma hamu, ale angka pintu sian narobi, asa bongot Raja ni hamuliaon!

H: *Ise ulaning Raja ni hamuliaon i?*

U: I ma Jahowa, na gogo jala ulubalang, Jahowa Ulubalang di hamusuon. Patuginjang ma tohangmuna, hamu ale angka harbangan, jala patuginjang ma hamu, ale angka pintu sian narobi? Asa bongot Raja ni hamuliaon i!

H: *Ise ulaning Ibana, Raja hamuliaon i?*

U: I ma Jahowa Sebaot, Ibana do Raja ni hamuliaon i.

H: *Marolopolop jala mariaia ma ho, ale isi ni Sion, ai timbul do di parsitongaanmi na badia ni Israel.*

U: Marolopolop jala marlas ni roha ma hita manomunomu Raja hamuliaon i dibagasan perayaan Advent on, tahobasi ma rohanta marsaor dohot Tuhanta, ro be ma hita mardongan las ni roha mamuji Ibana. Marende ma hita!

III. ACARA IBADAH:

1. Marende BE No. 590 : 1, 3, 4 “Advent”

♪♪♪ Advent i do di tingki on Marsaringar di tano on.
Ingkon rade oroan i Managam Sipalua i
Advent, Advent, na ro ma Tuhan i, antong tagam ma.

♪♪♪ Advent di tonga borngin do, dungo so tung laos tarpodom ho.
Tompu so panagaman do, songon panangko borngin ro.
Advent, Advent, na ro ma Tuhan i, antong tagam ma.

-----Musik----- (*Jongjong*)

♪♪♪ Advent, advent, advent, advent martua do oroanNa i.
Na bisuk na marroha i, marulos hatigoran i
Advent, Advent, na ro ma Tuhan i, antong tagam ma.

2. Votum – Introitus:

U : Marhitehite goar ni Debata Ama, dohot goar ni AnakNa Tuhan Jesus Kristus dohot goar ni Tondi Parbadia na tumompa langit dohot tano on. Amen

Paboa hamu ma tu Boru Sion: I da ma, nunga ro hatuaonmi! Ida ma ihut tu Ibana do upa silehononNa, jala pamalosonna di joloNa. Haleluya!

H : (Mangendehon) Haleluya, Haleluya, Haleluya

U : Martangiang ma hita! Ale Tuhan Debata, pargogo na so hatudosan, na tumompa langit dohot tano on. Hinorhon ni asi ni rohaM do umbahen sahat hami tu taon Huria na imbaru on. Lehon ma tu huriaM TondiM na badia i dohot hamaloon sian Ho, asa lam rarat jala ganda harajaonMu di tongatonga ni hami on. Sai lehon ma hiras ni roha tu naposoM manghatahon hataM, asa lam denggan huriaM marhite sian i. Pargogoi ma hami mangoloi Ho dibagasan haporseaon na tongtong, asa manahan hami sahat ro di ujungna marhitehite AnakMu Jesus Kristus Tuhannami. Amen. *(Hundul)*

3. K O O R : Punguan Ina Miseri

4. LITURGI ADVENT : Utusan Sekolah Minggu

5. Marende BE NO 592 ‘‘ Hosianna Di Anak ni Raja Daud’’

♪♪♪ *Hosianna di Anak ni Raja Daud, partigor jala parmonang.
Marsurak ma ho boru Sion, Rajam ro manopot ho.
Amen Haleluya puji tasomba Raja na sian surgo i.
Amen Haleluya puji tasomba Raja na sian surgo i.
Puji ma goarNa, Raja siparmonang. Amen Haleluya
Puji tasomba Raja ni hadameon i. Amen Haleluya
Puji tasomba Raja ni hadameon i.*

6. LITURGI ADVENT : Utusan Remaja-Naposo

7. K O O R : Punguan Lansia

8. VOCAL GROUP : Remaja-Naposobulung

9. Marende BE NO 591 1 – 2 ‘‘ Boru Sion ‘‘

*♫♫♫ Boru Sion las roham, las roham Jerusalem.
Ai na ro do Rajami padamehon ho tongtong.
Boru Sion las roham, las roham Jerusalem.*

*♫♫♫ Anak Daud ro ma Ho, pasupasu bangsoMon.
HarajaonMu hot tongtong, dame ma di tano on.
Hosianna ro ma Ho, pasupasu bangsomon.*

10. Pujipujian Di Taon Baru Parhuriaon:

U = Huria na hinahinaholongan ni Tuhanta, tama hita mandok mauiate tu Tuhanta ala diloas hita mamasuhi Taon Baru Parhuriaon sadari on. Nunga dilehon Tuhan i haluaon di hita saleleng taon parhuriaon naung salpu. Di loas do hita huriaNa marlas ni roha jala marhamonangan hita di ragam ni paralolan ni ngolu siganup ari. Alani endehon hamu ma di Jahowa ende na imbaru sada, ai nunga dipambahen Ibana angka halongangan; nunga ditumpahi siamunna i dohot tanganna na badia i Ibana.

H = Nunga dipabotohon Jahowa hatuaonna i, nunga dipapatar Ibana hatigoranna i di adopan ni angka parbegu. Nunga diingot Ibana asi ni rohana dohot hasintonganna tu bagas ni Israel, nunga diida luhut ujung ni tano on hatuaon ni Debatanta.

U = Marsuraksurak ma ho, ale sandok tano on, mangolophon Jahowa, pangiar ma soaram marolopolop, jala marende ma hamu.

H = Pinuji ma Tuhan i ganup ari! Dokdok pe dipaporsanhon tu hita, Debata do mangurupi hita. Debata ni angka hatuaon do Debatanta i, jala guru di Tuhan Jahowa do angka haluaon sian hamatean.

U = Ale Tuhan di las ni rohanami sadarion tong do hupanghilalahon hami halembaonnami mangargahon parsauran dohot Ho di ari-ari ni ngolunami.

H = Asi ma roham mida hami Tuhan, asi ma rohaM.

U = Lehon ma di hami gogo paimbaru diri di na manomunomu haroroM
ale Tuhan marhite Minggu Advent sidalanannami. Ro do hami
nuaeng tu joloM ale Tuhan Debata, tangihon ma tangiangnami di
bagasan endenami on. **Marende ma hita**

11. Marende BE No. 443 : 1 - 2 “Dung Tuhan Jesus”

♪♪ *Dung Tuhan Jesus nampuna au, songgop dame na, biar hu lao,
Taripar gogo ngoluna i, nasa dosangku naung sae do i.
Reff: Tabaritahon holong-na i. Didia Tuhan, tudoshon i?
Tuk manumpahi, tarlobida, Sasada Jesus pinujima!*

♪♪ *Di Ho ngolungku ! Las rohangki jumolo Jesus siluami.
PangiringonMu, tolongMu i, mangalo dosa nang rohangki.
Reff: Tabaritahon.....*

12. LITURGI ADVENT :Utusan Ama

13. K O O R : Punguan Ina Debora

14. LITURGI ADVENT : Utusan Ina

15. VOCAL GROUP: Punguan Ama Galilea

16. LITURGI ADVENT : Utusan Lansia

**17. PENYALAN LILIN ADVENT huhut Marende BE NO 54 : 1 – 2
“Sonang ni Bornginna i”**

Pagalak Lilin Advent ima:

- Utusan RENA
- Utusan Ama
- Utusan Ina
- Utusan Parhalado

(Marende laos jongjong ma hita saluhutna)

♪♪ *Sonang ni bornginna i, uju ro Jesus i.
Sonang modom do halak sude, holan*

*dua na dungo dope, mangingani Anakna,
Jesus Tuhanta i.*

♪♪♪ *Denggan ni bornginna i, uju ro Jesus i.
Tu Parmahan di Betlehem i, dipaboa
na di surgo i, nunga ro Sipangolu,
Jesus Tuhanta i*

18. LITURGI ADVENT : Utusan Parhalado

19. K O O R : Punguan Ama Jerusalem

20. Marende BE NO 44''Hamuna na porsea i Sai tomu Tuhan Jesus i''

♪♪♪ *Hamuna na porsea i sai tomu Tuhan Jesus i,
pahehe rohamuna. Jonok do ari pesta ni saluhut huriaNa i,
ima hatutubuna. Ipe, hehe, ma hamuna, baen pantunna, lao
manjangkon na manopot hajolmaon.*

21. Tangiang Pangondianon:

22. Marende BE No. 45 : 1-2“ Hosianna Anakni Raja David”

1. *Hosianna Anak ni, Raja David ro tu hita
Baen ture dalanna i, asa bongot tu rohanta.
Baen ma gabagaba i, di Tuhanta na ro i.*
2. *Hosianna ro ma Ho, tu bagasan rohanami;
Na manomunomu Ho, ale Jesus Tuhannami.
Las do rohanami i, molo bongot Ho tusi*

23. Jamita:

24. Marende BE No. 39 : 1- “Beha Ma Pajalongku”. Papungu Pelean

♪♪♪ *Beha ma panjalongku, Di Ho O Tuhanki ?
Beha ma panomungku, Di Ho o Rajangki ?
Sondangi ma rohangku na holom na bodo.*

Ai naeng patupaonku, Las ni rohaM di Ho

♪♪♪ *Pangisi ni SionMu, Do mangolophon Ho*
Lao songon i rohangku, Lao mandapothon Ho
Na ringgas do rohangku, Mamuji goarMi
Na daulat do sangkaphu, Patulus rohaMi
-----Musik-----

♪♪♪ *Ai ndang adong na hurang, Na pinatupaMon*
Mambaen tu au sumuang, Dame ni rohangkon
Ai di na marsak ahu, Binaen ni dosa i
Ro Ho ale Pangolu, Mandaoni sahithi.

♪♪♪ *Tung aha ma alana, Umbaen ringkot roham*
Tumopot manisia, Nda holong ni roham ?
Nda asi ni rohaMu, Di na tarsosak i ?
Ai naeng pangoluonMu, Sude naung mago i

25. TANGIANG PANIMPULI: AGENDA (Jongjong)

**PENDETA, BIBLEVROUW DOHOT PARHALADO
HKBP BERINGIN INDAH**

PASAHATHON

SELAMAT ADVENT TU SUDE RUAS NI HURIA

TUHAN YESUS MEMBERKATI